

پازار ایرتسی

فی ۱۸ رجب سنه ۱۳۲۸

وفی ۱۲ تموز سنه ۱۳۲۶

جمعیت علمیة اسلامیة نك ناشر افکاریدر

صاحب امتیاز :

فاتح مجیز درساملرندن

استانبول مبعوثی

مصطفی عاصم

سر محرر :

فاتح مجیز درساملرندن

توقاد مبعوثی

مصطفی صبری

مدیر مسئول :

مکتب قضاة معلملرندن

کلیدلی منیر

مندرجات

ادبیات	عید ملی
دوئهای عثمانیه ترنم اولتقی اوزره یازلمشدر . . . س . ق	وعظلرمزدن
تخمیس ! م . فاضل	اخلاق م . صفوت
افغان طاهر المولوی	عالم اسلامیت عبدالاحد داود
شکوفه بهارستان طاهر المولوی	



نسخه سی ۱ غروشدرد

آبونه اجرتی (پوسته اجرتیه برابر در)

ممالک اجنیه ایچون :

۶۰ ، ۲۰ فرانک

۳۰ ، ۱۰۰ »

استانبول وولایات ایچون :

بر سنه لکی ۶۰ غروش

الئی آیلنی ۳۰ »

درج اولنیمان اوراق اعاده ایدلمز

قارئلرمنزه

اکثر مقالانه آیات کریمه واحادیث نبویه درج ایدلمش بولندینی نظر اعتباره آلنه رق رعایتسز لکده بولنلما می رجاوانور .

در سعادت

محمود بك مطبعه سنده طبع اولنمشدر

وعظالمزید

بسم الله الرحمن الرحيم

قال الله تعالى في كتابه المبين

﴿يا ايها الناس انا خلقناكم من ذكر وانثى وجعلناكم شعوبا وقبائل لتعارفوا ان اكرمكم عند الله اتقاكم ان الله عليم خبير﴾ جناب حق بیورپور که ای ناس بن عظیم الشان سزی آدم وحوادین و بابا وانا کزیدن خلق ایلیم . شو حالده سزک خلقتکیز بر منبعدن کلیور . سز نسبدن آدم و حوا و بابا وانا کزیدن حصوله کیش اولوق اعتباریه بر بریکزه مساویسکیز وخالقکیز دخی بر در نیچون نسب ایله فیخر ایتک ایستریسکیز . نسب ایله تفاخره ایسه بر وجه و سبب یوقدر سزی شعوب و قبائل اوله رق خلق ایلدیکم بحسب الانساب بعضیکیز دیگرکی بیلمک و بر کسه آبا واجدادینک غیرینه نسبت ایندیرلما . مک ایچوندر یوقسه آبا و قبائل ایله تفاخر ایتک ایچون دکدر . امین اولیکیز که نسب ایله تفاخر ایدیلهماز زیرا عندالله اکر مکیز اک زیاده اهل تقوی اولانکیزدر . چونکه نفوسک تکملی و اشخاصک تفاضلی آنجق تقوی ایله اولور اکر تفاخر ایتک ایسترسه کز تقوی ایله فیخر ایدیکیز جناب حق سزی واعمالکیزی بیلور و بواطن احوالکیزده واقف و مظلعدر .

بو آیت کریمه نک سبب نزولی فتح مکیدن صکره ظهر کعبه ده با امر جلیل حضرت پیغمبری بلال حبشی حضرتلمری اذان اوقودیلر . عتاب بن اسید اذانک حضرت بلال طرفندن ایفا ایدلیدیکنی کوردیکنده جناب حقه حمد ایدرمکه پدرمک روحنی قبض ایتشده بو کونی کورمامشدر دیدیکی کبی حارث بن هشامده حضرت بلاله اشارت ایدرک رسول الله بو قاره قارغهدن بشقه بر کسه بولامدیمی دیو حضرت بلالک معروف بر نسبه منسوب اولماسنه مبنی شائر اسلامیتدن اولان مؤذنلکی کندوسنه مناسب کورمامش اولدیغندن بو آیت

کریمه نازل اولمشدر یعنی عندالله اکرم اولان اتقا اولانکیزدر بلال کبی عبد حبشی دخی اولسه .

حضرت فخر عالم صلی الله علیه وسلم بیورمشدردر که ﴿انا سید ولد آدم ولا فخر﴾ یعنی بن بنی بشرک سیدی اولدیغم حالده سیادت ایله رسالت ایله فیخر ایتم و قال علیه الصلاة والسلام (من سره ان یکون اکرم الناس قلیتی الله) یعنی بر کسه اکرم الناس اولمقدن حظ ایدر و مسرور اولورسه متقی اولسون جناب حقک او امرینه اطاعت و نواهیسنندن اجتناب ایتسون و اخلاق حمیده ایله متصف اولوب اخلاق ذمیمه دن توفی ایتسون (ولو کان الشرف الا شیء من حیث شانها او مواطنها لکان الشرف لابیلس علی آدم فی قوله خلقتنی من نار و خلقتنه من طین) اکر اشیانک شرفی ماهیت و حقیقتی اعتباریه اولسه ایدی ابلیس علیه اللعنه نک حضرت آدم اوزرینه شرفی اولوق لازمکلوردی چسونکه ابلیس ناردن و حضرت آدم چاموردن خلق اولتمشدر فقط ابلیس نهدن خلق اولنورسه اولسون جناب حقه اطاعت ایتدیکندن طولای شرف و اعتباردن ساقطدر .

دنیاده مال و اولاد و منصب کبی فخر و مباهات ایدیله جک برچوق شیرل موجود ایکن جناب حقک بو آیت کریمه ده یالکیز نسبی ذکر ایلسی نسبک باقی و دائم و مال و اولادک محتمل الزوال اولمسی اعتباریه اولوب نسب ایله فیخر ایتک جائز اولمینجه دیگر نریله ده فخر ایتک جائز اوله میه جفی بطریق الاولی ثابت اولور بناءً علیه بر کسه بن پاشازادیم بن شهزادیم بن اصحاب رتبه دنم بن زنکنیم دیه افتخار ایتسون زیرا مدار افتخار اولان شی بویه شیرله انتسابه دکل اکتساب فضیلتله در هر کیم که فرائض ادا و محرماتدن اجتناب ایدر تجارتنده، صنعتنده امین و صادق و حکمنده عادل و تحصیل علم و معرفت ایتش ارباب وجدان و حمیت و ناموسدن

ابن عباس رضی الله عنه انه قال اقبل بنی الله من عزرة
 اوسریة فدعا فاطمة رضی الله تعالی عنها فقال یافاطمه
 اشتری نفسك من الله فانی لا اغنی عنك من الله شیئاً وقال
 لنسوته مثل ذلك وقال مثل ذلك لعترته ثم قال ما بنو
 هاشم باولی الناس بامتی ان اولی الناس بامتی المتقون ولا قریش
 باولی الناس بامتی ان اولی الناس بامتی المتقون انما انتم من
 رجل وامرأة کجام الصاع لیس لاحد علی احد فضل
 الا بالتقوی (صدق رسول الله فیما قال یعنی برکون حضرت
 پیغمبر غزوه دن ویاخود سریه دن کلدکاری وقت حضرت
 فاطمه بی جاغیروب بیوردیلرکه یافاطمه نفسکی جناب حقک
 عذابندن کنندی عملکله اشترایت زیرا بن جناب حقه قارشو
 سکا نافع اولوب اللهدن غنا ویره مام . کذلک بوکلامی
 حضرت پیغمبر ازواج مطهریه وذریت واقاربنه یعنی
 حضرت حسن وحسین وحمزه وعلی وابن عباس رضی الله
 تعالی عنهم حضراتنده ایراد بیوردقدنصرکره بنی هاشم
 - عبدالمطابک اولادی و حضرت پیغمبرک عموجه
 وخاله لیدر - بکا امت اولمق خصوصنده بن انلرک نسلندن
 وانلر بنم اهامدن اولدقلریچون ناسک اولاسی واحقی
 اوله مازلر بکا امت اولمق خصوصنده ناسک اولاسی واحقی
 متقی اولنلردر . کذلک قریش قبیله سیده بکا امت اولمغه
 ناسدن اولی واحقی دکلدرلر بکا امت اولمغه ناسک اولی
 واحقی متقی اولنلردر کذلک انصار - وهم اهل الین الذین
 آمنوا بالنبی صلی الله علیه وسلم وهم قبیلتان الاوس
 والخزرج رضی الله عنهم ومنهم اهل الصفة الذین عاتب الله
 فیهم ببنیه علیه السلام بقوله ولا تطرد الذین یدعون ربهم
 بالغداة والعشی یریدون وجهه - بکا امت اولمغه ناسک
 اولی واحقی دکلدرنر بکا امت اولمغه ناسک اولی واحقی
 متقی اولنلردر . سزکه بنو هاشم وقریش وانصارسیکنر
 جمله کز حضرت آدم وحوادن متولدلسیکنر وسز
 کیله ایله اولچولن بغدادی ، آربه ، نخود کبی مقدارده

بولنور واخللاق حمیده ایله متصف واخللاق مذمومهدن
 معرا ومبرا اولورسه اوله کیمه لر هم عندالله وهمده
 ناس عندنده بیوک آدمدرلر یوقسه او امر الهیهیه
 اطاعت ایتمز ونواهیدن اجتناب ایتمز صنعت وتجارتنده
 خائن ، یلانچی ومأموریتنده ظالم ومرئشی ، اخلاق رديه
 ومذمومه ایله متصف ووجدانسز بر آدم هر قنقی نسبه
 منتسب بولنورسه بولنسون وهر قنقی رتبه ده اولورسه
 اولسون فنا آدم اولمش اولور عندالله غیر مقبول اولدیغی
 کبی ناس یاننده ده مذموم والحق آدمدن معدودر (الشرف
 بالفضل والادب لابل اصل والنسب) شرف فضل وادبه در
 اصل ونسبله دکلدر .

بیت

با ادب باش تابزرکی شوی که بزرکی نتیجه ابدست
 پوشیده ادبه بورون تا که بیوک آدم اوله سین زیرا
 بیوکک ادبک نتیجه مستحصله سیدر مقدماتی حاضرلر -
 سهک نتیجه مه موفق اولورسیک .

نسب هر نقدر شرعا وعرفا معتبر اولوب حتی
 شریفه اولان بر قادینک بر قبطنی یه تزویجی شرعا جائز
 دکلسه ده آندن قدر جهنتندن اعظم واعز اولان ایمان
 وتقوانک ظهورنده اکا اعتبار ایدیه مز یعنی عرف
 وشرعک نسب سبیلله انسانلره بخش ایلدیکی شرف تقوی
 سبیلله حاصل اولان شرفه نسبتله هیچ حکمنده درنته کیم
 طلوع شمسده کواکبک تأثیری قالمیدیغی کبی رعد
 قوینک صداسنه قارشو سینه کک قنادلرینک اهترازندن
 حاصل اولان صدانک دخی تأثیری اوله ماز نسبک عرفا
 وشرعا بعض موادده حائز تأثیر اولسی ناسه نظرله در
 یوقسه عندالله اکرمیت نسبله دکل تقوی ایله در زیرا
 نسب برانسانک افعال مکتسبه سندن اولیوب اجدادندن
 طبیعتیه انتقال ایتمش بر خصالتدر حالبوکه جناب حق
 (وان لیس للانسان الاماسی) بیورمشدر سعیسز، کعبسز
 انسانلرده حاصل اولان شیلر عندالله مقبول دکلدر (عن

مساویسکنز . وبریکزک آخر اوزرینه فضلی انجق تقوا
ایله در .

عن جابر رضی الله تعالی انه قال خطبنا رسول الله
صلی الله علیه وسلم فی وسط ایام التشریق فقال یا ایها الناس
ان ربکم واحد وابوکم واحد الا لافضل لعربی علی عجمی
ولا لعجمی علی عربی ولا لاهمر علی اسود ولا لاسود
علی اهر الا بالتقوی ان اکرمکم عندالله اتقاکم الاهل
بلغت قالوا بلی یا رسول الله قال فلیبلغ الشاهد الغائب
صدق رسول الله یعنی حضرت جابر بیوررکه برکون ایام
تشریقک وسطنده حضرت پیغمبر بزه ایراد خطبه ایدرک
بیوردیلرکه ای ناس سزک ربکیز بر اولدینی کی بابا کزده
بردر . زیرا حضرت آدم اولادیسکنز امین اولیکزکه
عربک عجم وعجمک عرب اوزرینه فضلی اولدینی کی
اهمرک اسود واسوک اهر اوزرینه هیچ بر صورته
فضلی اولیوب انجق تقوی ایله فضلی واردر . سزک
عندالله اکرمکیز اتقا اولانکیزدر . دیو بیوردقدنصکره
جناب حقک بکا امر ایتش اولدینی شیئی سزه تبلیغ
ایتدیمی دیه طرف رسالتپناهیدن وقوعبولان استفهام
تقریری به جواباً حاضرین بلی یا رسول الله تبلیغ ایتدیکیز
دیدکندن صکره حاضر اولانلر غائب اولنلرده تبلیغ
ایلسون بیوردیلر .

تقوی نک فضیلتی حقنده قرآن کریمده یوز الی
ایت واردر . تقوی نک خصاتی قدر کترتلی هیچ بر
خیر قرآن کریمده مدح و ثنا ایدلماشدر . جناب حق
قرآن کریمده متقیلرک عندالله اکرم و اللهک و لیلی
وحیبی اولدینی ومتقیلره جنت مهیا اولوب تقوی آخرت
زادولباسی اولدینی بیان بیورمقله برابر تقوی نک اعدادن
کیدک رفغنه ورحمت ومغفرتک حصولنه وحق ایله باطلک
بینی تفریق و سعادت ابدیه نائلیت ومضایق دنیویه
واخرویه دن خلاصه وانسان ایچون من حیث لایحتسب
رزقک حصولنه ودنیا وآخرته فلاح بولمغه سبب

قلمشدر . تقوی به انهماک ایدنلر نصلکمه عندالله مقبول
ومعتبر اولورسه دنیاده دخی عندالناس مقبول ومعتبر
اولور .

مابعدی وار

اخلاق

دن

مابعد

اوتنه دنبری ادعا سنده اصرار ایدده کلدیکمز بر حقیقت که :
وسائط ترقی بکانه اخلاق ، اسباب تدنی یه بکانه اخلاقدر .
انسانلر قدرت فاطره نک بتون محاسن و مزایای
کندی سنده جمع ایدهرک ابداع ایتدیک بر نسخه کبری
ایسه نه . بو علویت فطریه ده جمله سی مساوی اولدینی
حاله . یاراداشده کی بو علویت ، بو بیوکلی ادراک
ایدنلری یک آرز بولنور دیسه م خطا ایتش اولم ظن
ایدرم . حالوکه بو حقیقتی کندیلرینه افهام ایدهرک
« قوه دراکه » او علویه مقارن اولهرق یارادلمش فقط
ایده موجود بر آلت نصل استعمال ایدلرسه کندی
کندی نه ایش کورمدیکی و کندیجه استعماله غیر صالح
بر حاله کلدیکی کی آلت ادراک اولان مفکرده دایما
بسیط دوشنور دایما امور عادیه ایله اشتغال ایدرسه
طبیعی فعالیتدن قالور . محاسن و معالی جهته بر کره بیه
توجیه عنان ایتمز . اولدینی یرده اویوشور قالیر .

بو بر قانون طبیعیدرکه : هرشیده اولدینی کی
انسانلرده حرکات کیتدیکه تناقص ایدرسه نتیجه سی
سکوندر . هر حالده طوره جقدر . بکا اولیه کلیرکه :
بر قسم انسانلر اولیه مطالب علویه آرقه سنده فکر
یورمق شویله طورسون ضرورات بشریه دن اولان یک
ایچمک ، کیمک غائله لری ایلرسه احتماله کندی
فکرلرینی دکل بتون اعضای ، تحرک سنی تحریکدن